

ustupanje informacije ne može ugroziti istrage i predmete koji se vode.

-Da li tužilaštva sačinjavaju godišnje izvještaje o svom radu?

**Odgovor:** Tužilaštva svake godine sačinjavaju izvještaje o svom radu, koji se prosljeđuju na upoznavanja u nadležne zakonodavne institucije i Visoko sudsko i tužilačko vijeće BiH.

U godišnjim izvještajima sadržane su mnoge informacije kao i statistički podaci o radu tužilaštva.

-Da li imam pravo zatražiti informacije o konkursnim i tenderskim procedurama vezanim za rad tužilaštva?

**Odgovor:** Ove informacije su javne i dostupne su građanima, tako da se mogu zatražiti.

-Postoji li u tužilaštvima opisana procedura za podnošenje zahtjeva za pristup informacijama i popis informacija koje se mogu zahtijevati?

**Odgovor:** Svako tužilaštvo, kao javni organ, dužno je utvrditi proceduru za podnošenje zahtjeva za pristup informacijama i popis informacija koje se mogu zahtijevati. Ovi akti najčešće su sadržani u dokumentu koji nosi naziv „Vodič za pristup informacijama“, koji je uglavnom javno dostupan putem internet stranice tužilaštva.

Ova publikacija realizirana je u okviru projekta „Podrška pravosuđu u Bosni i Hercegovini – Jačanje tužilačkih kapaciteta u sistemu krivičnog pravosuđa“ Visokog sudskog i tužilačkog vijeća Bosne i Hercegovine, uz podršku Vlade Švicarske, posredstvom Švicarske agencije za razvoj i saradnju (SDC).



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савети Босне и Херцеговине  
High Judicial and Prosecutorial Council of Bosnia and Herzegovina



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Federal Department of Foreign Affairs FDFA  
Swiss Agency for Development and Cooperation SDC



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савети Босне и Херцеговине  
High Judicial and Prosecutorial Council of Bosnia and Herzegovina



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Federal Department of Foreign Affairs FDFA  
Swiss Agency for Development and Cooperation SDC

# PRISTUP INFORMACIJAMA POD KONTROLOM TUŽILAŠTVA

## Koji zakon regulira pitanje prava na pristup informacijama?

Svako fizičko i pravno lice ima pravo pristupa informacijama koje su pod kontrolom tužilaštava, a svako tužilaštvo ima odgovarajuću obavezu postupiti po takvom zahtjevu.

Pristup informacijama koje su pod kontrolom javnih organa u Bosni i Hercegovini reguliran je važećim Zakonima o slobodi pristupa informacijama u BiH. Primjenom ovih zakona promovira se i transparentnost rada tužilaštava, kao javnih organa.

## Kako podnijeti zahtjev za pristup informacijama?

Svako fizičko i pravno lice ima pravo podnijeti zahtjev za pristup informacijama koje se nalaze u posjedu tužilaštava u BiH. Zahtjev se podnosi u pismenoj formi na jednom od zvaničnih jezika u BiH, putem pošte ili neposrednom predajom putem pisarnice tužilaštva. Dostavljanje zahtjeva treba izvršiti tako da se na odgovarajući način osigura dokaz o podnošenju. Zahtjev mora da sadrži ime ili naziv, adresu i potpis podnosioca. Uz podneseni zahtjev prilaže se i dokaz identiteta.

Kako bi tužilaštvo postupilo po zahtjevu, potrebno je u zahtjevu jasno definirati ono što se želi saznati, i dostaviti sve druge podatke koji bi omogućili nadležnom tužilaštvu da postupi po zahtjevu.

Zakonski zastupnik ili punomoćnik prilikom podnošenja zahtjeva dužan je prezentirati dokaz o zastupanju, odnosno punomoć, kao i lični dokument. U slučaju da pismeni zahtjev ne ispunjava ove navedene uslove, o tome će podnosilac zahtjeva biti obaviješten, a eventualno preinačeni zahtjev smatrat će se kao novi.

## Odobrenje pristupa informacijama

U slučaju odobrenja pristupa informaciji postoji mogućnost:

- ličnog pristupa informaciji;
- dostavljanja informacije ukoliko je ista kraća od deset stranica ili
- mogućnosti umnožavanja, uz naknadu, ako je informacija duža od deset strana.

## U kojim slučajevima može biti uskraćen pristup informacijama?

Tužilaštvo može odbiti zahtjev za pristup informacijama u cijelosti ili djelimično u sljedećim slučajevima:

- (1) Kada se otkrivanjem informacije osnovano može očekivati izazivanje značajne štete po legitimne ciljeve za sljedeće vrste informacija:
  - interes odbrane i zaštita javne sigurnosti;
  - sprečavanje kriminala i svako otkrivanje kriminala;
  - zaštita procesa u donošenju odluka utvrđenih zakonom.

(2) Kada zahtjev za pristup informacijama uključuje povjerljive komercijalne interese treće strane;

(3) Kada zahtjev za pristup informacijama uključuje lične interese koji se odnose na privatnost trećeg lica u skladu sa Zakonom i Evropskom konvencijom o zaštiti ljudskih prava i temeljnih sloboda, (član 8. Evropske konvencije o zaštiti ljudskih prava i temeljnih sloboda);

(4) Kada se radi o maloljetnim počiniocima krivičnih djela i kada su maloljetnici oštećeni krivičnim djelom;

(5) Kada se radi o poštivanju pretpostavke (presumptio) nevinosti i

(6) Kada se nakon provedenog postupka utvrdi da objavljivanje informacije nije od javnog interesa.

U slučaju odbijanja pristupa informaciji djelimično ili u cijelosti, podnosilac zahtjeva će biti obaviješten o mogućnosti podnošenja žalbe glavnom tužiocu i o pravu na obraćanje Ombudsmenu.

## **Česta pitanja:**

-Da li građanin ima pravo zatražiti informaciju o tome da li se protiv nekog fizičkog ili pravnog lica vodi postupak u tužilaštvu?

**Odgovor:** Građanin može podnijeti navedeni zahtjev, te ovakav zahtjev detaljno obrazložiti. Ukoliko nema zakonskih smetnji, te ukoliko